

*Que de brut, de feu, de fumèia !
 Mio'x que Veurcain, rei daus farjo's,
 Ol harnacharit una arnèia
 Entra la dimécrou et lou jo's.*

*Vou e lu ! dit l'un ; iquè' ? dit l'una.
 Ma's au vialageou ol êt ontrat.
 Que lous parmeis de la coumuna,
 Moun Diô ! l'ant dounc bion harangat !*

*Lou mariè aît preis soun écharpa,
 Sa bella étola, lou pasteu' ;
 Me, bada-bè' couma una carpa,
 J'acoutave chaque orateu'.*

*L'un disit : iquella campana,
 Tant que le moundou durara,
 Not et jou', diomingi et semana,
 De vous, Moussu', jabotara ;*

*Et dins lou rire, et dins le larme,
 Aux Nouè's, au De profundis,
 Si é souna avouè' grand vacarme,
 De çay, de lay, parons, amis,*

*Creide-nous : à chaque voulèia,
 Tous par vous à tabla beirouns,
 Et par vous, meilloura pensèia,
 A l'iglesi tous prêiarouns.*

*L'autrou disit : Ma's, paura tête !
 Si ji n'ai pas tout essoubla,
 Prônou, discou's, parpos de fêta,
 Ji crèïou que j'ai tout mècla.*